

〔清〕唐大烈 輯

吳醫彙講

中國醫學大成續集

吳醫彙講提要

清·唐大烈輯。大烈字立三。吳縣人。是編徵集吳縣醫家文獻。仿康熙時有過君繹之者。裒集衆賢治案。合鑲爲書。名曰吳中醫案。此又片善悉錄。一藝必庸。旁搜博采而成者也。夫廣羅成效。固以誌鄉先輩之典型。而各抒論言。亦以徵君子之詣力。況乎精是業者。高才不少。明其理者。卓識自多。先生謹仿吳中醫案之舊帙。更輯吳醫彙講之新編。奧義顯詞。統爲求教。長篇短節。並曰無拘。凡屬醫門嘉話。發前人所未發。可以益人學問者。不拘內外女幼各科。無不輯入。其有人云亦云者。舊籍已繁。茲不複贅。凡諸公所著。於條論之前。分列姓氏。下注諱號爵里。如先世所遺舊稿。並注生年卒歲。及令嗣某付刊。略仿小傳之意也。又各分版頁。不相連屬。

以便續增。若各人之趨向不同。集衆說以成書。不免或有互異。若存此而去彼。竊恐印定人眼目。非所以云講也。苟能各通一理。不妨兩說並采。惟在閱者之取舍。亦擴充學問之一道也。是集系聚諸同學各抒心得。析疑賞奇。不襲老生恒談。惟其中有泛閱之似乎陳言。而味其立意處。必有獨開生面之語。不過從頭敘述。不得不引舊書之言以爲襯。幸弗以剿襲目之。此立三先生彙刊之例言也。其所輯之講。如葉天士溫證論治。薛生白日講雜記。讀書各法。孫慶增石芝醫話。唐迎川爛喉痧論等作。皆獨具識見之作。惟系隨筆。不別門類。不限體式。乃醫家自由言論。以啓後學之心悟而已。

乾隆壬子歲新鐫

唐笠山纂輯

唐笠山房
督造書籍

吳醫彙講

凡屬醫門佳話發前人
如有高論並望光增

所未發者哀集成編諸同學
附各書校訛傷寒辨症歌
週身經絡總訣

自序

粵稽炎暉紀物。首垂本草之經。雲瑞名官。肇
啟靈蘭之笈。宗傳歷代。各立家言。派衍迄今。
尤工蒐錄。篁南江氏有類案之編。東逸羅君
有彙粹之選。惟淵源之有自。斯繼述之多人。
矧吾吳文獻之邦。廼良醫薈萃之域。韓門昆
季。擅盧扁之稱。葛氏喬梓。紹張劉之學。新甫
啟東。廿子前朝之著述已繁。生洲路玉諸公。

聖代之闡揚亦夥。應機草識元儀臨證之慎重。讀書記知在涇學業之深沉。凡此各自成書。出自諸家見地。康熙時有過君繹之者。裒集衆賢治案。合鑲為書。名曰吳中醫案。此又片善悉錄。一藝必庸。旁搜博採而成者也。夫廣羅成效。固以誌鄉先輩之典型。而各抒論言。亦以徵諸君子之詣力。況乎精是業者。高才不少。明其理者。卓識自多。匿采韜光。非乏枕中。

之秘。靈機妙緒。詎鮮囊底之珍。几屬蘊藏。可
勝惋惜。僕謹倣吳中醫案之舊帙。更輯吳醫
彙講之新編。與義顯詞。統為求教。長篇短節。
並曰無拘。苟步武之克追。期當仁之不讓。乃
荷同志。弗靳輝光。共表深思。互相賞析。或疏
往訓。既發覆而摘微。或出心裁。尤領新而標
異。詮玉版之秘要。欣符麗澤之占。索金匱之
真言。胥協盍簪之慶。勿謂禁方三十。獨推思

邈得其奇。須知肘後四編。不惟抱朴窮其蘊。
縱釀花為蜜。未免書癖之譏。而集腋成裘。堪
補藝林之闕。

乾隆壬子仲秋長洲唐大烈立三氏書於問
心草堂



司馬溫公曰。達則為良相。不達則
為良醫。蓋以殫其利濟之心。窮
通一也。夫坐而言。然後能起而
行。士當十年待字。讀聖賢書。
補天下事。於經天緯地之業。必
誨明而切究之。夫乃可寄以大

任而不疑。醫之為道。止於此。舉夫
天地人之理。五運六氣之驗。經
絡府俞之次。八脉九候十二經
之分。莫不備之。素而論之。詳。夫
乃可托以死生而不惑。是故大易
著彖習之文。傳記有誦法之誦。

講之義大矣。循夫軒皇。諄自遠
古而造化之秘洩。步沙。講於炎
劉而湯液之用廣。先聖後聖。若
合符節。他如活人海辛熱。祇和
清溫中。河間清涼解。東垣清
升降。丹溪講兩腎。子和講三

法。隱菴令韶之派。誨上氣。中行。
無己之傳。誨三綱。講溫補者累
岳。講秋燥者嘉言。吳不可誨疫。
汪苓友講心。此數子者。不傍牆壁。
獨抒心得。其餘百家之說。或伐
異而黨同。或兼收而博採。要其

所攷、硃、者。莫非講此而版靈
蘭之興。以期之壽世而後時。謬
曰。學書費紙。學醫費人。操司
命之責。何如貫鄭重耶。夫依
古以來。盜名者。走捷徑。未始非
名士也。驚黨援。工口給。未始非名

醫也。然而有實學。斯且賓用。
吾吳久獻之邦。明理之彥林
立。唐君笠山於著述之餘。患
羅而致之。擇其言之雅馴者。裒
成集。顏曰吳醫彙編而授之
梓。斯謂千金之裘。非一狐之腋。

莖榭之櫟。此一木之枝。其愛博。
而坎懷、於學之誨。真無愧古
人之用心矣。推是心也。与夫士之
通經致用。為蒼生福者。又何以
異哉。故樂綴數言。以弁其首。

乾隆五十有七年歲次壬子桂月

吳醫彙講序

一二

吳趨繆遵義識

時年八十有三



余薄宦江蘇以來。凡署中菴
屬等有疾。即延望山唐君診
治。無不應手而愈。今將三十載。
不第識其醫理之精深。且重
其爲人之謹慎也。茲手輯吳醫
彙講一編。請序於余。披閱其書。